

**ՀԱՅՈՒԹՅԱՆ ԿՈՂՄԻՑ ՀԱՅ ԴԱՏԻ ԼՈՒՄՄԱՆ ԲՆԱԿԱՆ
ԿԵՆՍԱԱՆՀՐԱԺԵՇՏՈՒԹՅՈՒՆԸ**

Ս. Ռ. ՇԱՀԱԶԻՋՅԱՆ

Ազգերի, պետությունների, քաղաքակրթության, բնապատմական զարգացման (էվոլյուցիայի) ելևէջային գործընթացում մշտապես առկա է տարածքի համար մղվող պայքարը՝ դրսևորման իր բոլոր, շարունակաբար զարգացող ձևերով:

Երևի թե հանրության տարրերի՝ անհատների, ինչպես և պարզից դեպի բարդ հասարակական բոլոր կառույցների՝ տոհմի, ցեղի, ցեղախմբի, ընտանիքի, ժողովրդի, ազգի համար էլ տարածքը՝ իր բնագրկուն առումով, որպես առարկայական սեփականություն վերջինիս դրսևորման ամենահին, կենսաանհրաժեշտ ձևերից մեկն է:

Եվ պատահական չէ, որ «հայրենիք» բառը «հայր» բառարմատով հայերենում մեկնաբանվում է որպես ցեղի կամ ազգի նախնիներ տարածքային սեփականություն. Հայկ նահապետի՝ Հայ Ազգի նախահոր երկիր: Հայրենիք հասկացողությունը հին և միջնադարյան Հայաստանում ընկալվել է որպես ազգի ժառանգական սեփականություն հանդիսացող հողատիրություն, իսկ հետագայում նրա՝ ծննդյան, ձևավորման և կայացման տարածք: Պատմական այս զարգացումով է պայմանավորված «հայրենիքի» ներկայիս դիտական հանրագիտարանային սահմանումը. պատմականորեն տվյալ ժողովրդին, ազգին պատկանող բնատարածք՝ իր բնությամբ, բնակչությամբ, հասարակական և պետական կառուցվածքով, լեզվով, մշակույթով, կենցաղով, բարքերով:

Հենվելով կենսատեղեկատվական դաշտի վարկածային մեր տարբերակին, նրա ֆիզիկական էությանը, կառուցվածքային, ինչպես և կենսաֆիզիկական, կենսաբանական և հասարակական դրսևորումներին և դրանցով պայմանավորված երևույթներին, կարգավորվող օրենքներին և օրինաչափություններին, ի լրումն հայտնի մոտեցումների, կիրառենք այլ տեսանկյունից դիտարկել ազգերի՝ և անհատների կողմից իրենց ազգային պատմական տարածքների՝ հայրենիքի, դրա պահպանության, այն վերագտնելու համար մղվող շարունակական պայքարի գործընթացի բնական՝ կենսաֆիզիկական, կենսաբանական հիմքերը:

Երկրագնդի վրա ազգերի տարածական բնական ամբարձրվածությունը. բնապատմական կենսատարածք, հայրենիք: Բնագիտության հիմնարար սկզբունքներից է Ամենափոքր գործողության սկզբունքը, ըստ որի, նյութական մարմնի գործողությունն ընթանում է էներգիայի նվազագույն ծախսերի, ամենակարճ ճանապարհի անցման սկզբունքով, իսկ փոխհարաբերությունների արդյունքում համակարգը ձգտում է վրայուն հավասարակշռվածության վիճակի հաստատման:

Եթե այս սկզբունքի տեսանկյունից նայենք երկրագնդի վրա կենդանական աշխարհի, ինչպես և մարդկային հանրության բաշխվածության բնապատմական զարգացմանը, ապա շուտով կհանգենք հակասության՝ մեր տեսական դատողությունների և անցյալի ու ներկայի առկա իրականության անհամապատասխանությանը:

Ըստ ամենափոքր գործողության սկզբունքի, անկախ նրանից, թե որտեղ է ստեղծվել, ձևավորվել կենդանական աշխարհի տվյալ տեսակը, այլ իր բնապատմական զարգացման ընթացքում պետք է որ ձգտի բնակլիմա-

յական ամենաբարենպաստ գոտում հաստատվելուն և ամրանալուն: Նույնը կարելի է ասել և մարդկային հանրության մասին. այսինքն անկախ տվյալ աղբյուրի՝ մարդկային հանրության կենսաբանական տվյալ տեսակի ձևավորման տարածական բաշխվածությունը, ամեն մի ազդի իր բնապատմական զարգացման ընթացքում, փորձի և սխալի մեթոդով պետք է վերատեսչվել: Վերականգնողական առումով, երկրագնդի առավել բարենպաստ գոտում՝ հասարակածի շրջակայքում, որն ի դեպ, չի նկատվել թե շատ վաղ անցյալում և առավել ևս՝ հիմա:

Կենդանական աշխարհը՝ իր ողջ բազմաձևություններով և տեսակներով, ինչպես և մարդկային հանրությունը իր ազգային տեսակներով, երկրագնդի վրա ունեն իրենց տարածական հաստի և ըստ ժամանակի պահպանվող կայուն բաշխվածությունը:

Պետք է ն.թ.թ.ով, որ մատերիայի ինքնավերարտադրող և տարածա-ժամանակային առումով շարժուն բոլոր ձևերի՝ կենդանական, աշխարհի, մարդկային հանրության բոլոր տեսակներն ունեն երկրագնդի վրա իրենց ստեղծմանը, ձևավորմանը և կայացմանը զոգահան տարածական որոշակի բաշխվածության ստեղծման և զբաղեցման՝ ծագումնաբանորեն ամրագրման, հասցեավորման փնջ-ուր բնական մեխանիզմ: Այսինքն թե կենդանական և թե մարդկային հանրության որևիցե տեսակի պատկանող ամեն մի սուբյեկտ բնապատմական զարգացման հարատև ընթացքում, անկախ բնակչիմայական բոլոր հնարավոր փոփոխություններից, էներգարմարվելով նոր բնակչիմայական պայմաններին, այդուհանդերձ, մշտապես ձգտելու է պահպանել երկրագնդի վրա իր «հասցե»-ում, ծագումնաբանորեն տարածական, ամրագրվածության իր տեղում: Հակառակ դեպքում կենդանական աշխարհի բնապատմական զարգացման հենց սկզբնական շրջանում դեպի բնակչիմայական ամենաբարենպաստ գոտում՝ հասարակածի շրջան, շարժումը կենդանական աշխարհին և մարդկային հանրությանը կհասցնի ընդհանրական կենսագործունեության, «տեսակի» պահպանման գործընթացի՝ էնտրոպիայի անընդհատ աճի, որն էլ կենդանական աշխարհի գոյատևման և գոյապալքարի «քերամստիճանի» անընդհատ աճի պատճառով թե կենդանական և թե մարդկային ողջ հանրությունը կտաներ ինքնառնշնչացման: Սակայն փաստ է, որ նման համաշխարհային աղետ չի եղել և չի էլ սպասվում, քանզի ամեն մի սուբյեկտ մշտապես ձգտում է, ամեն մի ազդեցության հակազդելով, պահպանել իր ներկայությունը իր տեսակի համար ծագումնաբանորեն ամրագրված տարածական հասցեում. եթե իհարկե արտաքին տեղեկություններ այնքան մեծ չէ իր հակազդեցությունից, որ կարողանա վտանգել իր տեսակի գոյությունը դոյատևման իր հասցեում՝ հաջորդելով: Հակազդեցության նկատմամբ ազդեցության փոքր լինելու դեպքում, երբ վտանգվում է տեսակի գոյությունը, տեսակի պահպանման գերակա սկզբունքի համաձայն տվյալ կենսաբանական, ազգային տեսակը նախընտրում է դուրս գալ իր ծագումնաբանորեն ամրագրված հասցեից, լուծելու համար նախ տեսակի պահպանման խնդրի գոյատևման Վատը, ապա՝ գոյատևման ապահով պայմաններում տեսակի հարատևմանը ներհատուկ գործունեություն մեկին: Հայտնի է խնդիր: Տեսակը ձգտում է հնարավոր և ոչ հնարավոր ճանապարհներով փնջադառնալ Հայրենիք՝ իր բնապատմական զարգացումն սպասելով և հարատևման խնդիրը լուծելու նպատակաուղղվածություն:

ՀԱՅՈՒԹՅԱՆ՝ ԱՄՔՈՂՋԱԿԱՆ ՀԱՅՐԵՆԻՔԸ ՎԵՐԱԳՏՆԵԼՈՒ ՇԱՐՈՒՆԱԿԱԿԱՆ ԶԳՏՈՒՄԸ: Հարյուրամյակներ առաջ պետականության կորստով, Հայաստանի և հայ ժողովրդի ոչ փնջական, զաղութային վիճակով, անտանելի կացությունում էր պայմանավորված հայության դոյատևման մղձավանջը: Խաթարված էր անհատին և ազգին յուրահատուկ բնականորեն կյանքն ու կենսագործունեությունը, արգելակվել, նվաղագույնի էր հասն ազդի բնականորեն, նպատակային զարգացումը: Կենսաանհրաժեշտ պաշտպանության խնդիրներ

անլուծ մնալը տեղում՝ լրջորեն վտանգում էր ազգի գոյատևումը, մինչդեռ ազգային ընդհանրական մտածողությունը գործնականում այն լուծում էր արտագնա աշխատանքի շնորհիվ՝ կայուն, զարգացած, սեփականության նկատմամբ պետական պաշտպանվածություն ունեցող երկրներում (բազմաբնույթ աշխատանքներ, որոշակի նյութական, տեխնիկական, ֆինանսական կապիտալի ստեղծում)։ Նյութական արժեքները այս կամ այն չափով ներմուծվում էին Վայաստան, որով լրացվում էր ազգի կենսագործունեությանը անհրաժեշտ ճեղքվածքը, մասամբ ապահովելով ազգի գոյատևումը, մասամբ՝ նաև հարատևմանն անհրաժեշտ հոգևոր զարգացումը։

Գոյատևման նման ապրելաձևի որոնքներում, համաձայն ամենափոքր գործողության սկզբունքի, թվում է, պետք է որ առնվազն մեկ հարյուրամյակի ընթացքում հայաթափեր Հայաստանը, սփռելով հայությունը աշխարհով մեկ։ Սակայն հարյուրամյակների պատմությունը ցույց է տալիս հակառակը։ Որքան էլ բարվոք է եղել հայերի վիճակը արտերկրում, միևնույն է՝ ազգի գերակշիռ մասը մնացել է հայրենիքում, իսկ փոքր մասը հայ գաղթավայրերում, ընդ որում՝ ոչ թե որպես մշտաբնակներ, այլ հիմնականում հայրենիք վերադարձողներ։ Այսինքն արտերկրի թե բնակլիմայական, թե պետական, իրավական, քաղաքացիական բարվոք ու ապահով պայմանները, Հայաստանից դուրս մարդկային կյանքով լիարժեք ապրելու իրական հնարավորությունները ամենևին հիմք չեն հղել դարեր շարունակ պետական ուժերի կորցրած, անգամ ինքնաշարժառակ դարձած գոյատևման մղձավանջում փոխվող Հայ ժողովրդին հայրենիքը լքելու, աշխարհով մեկ սփռվելու համար։

Պետք է ենթադրել, որ մարդկային հանրության բնության համար ամենափոքր գործողության սկզբունքին զուգահեռ և դրա նկատմամբ գերակա գործում է բնական մեկ առ օրենք, մեխանիզմ ևս, որը ամեն մի ցեղի, ազգի պահում է համահավասար իր ազգային կենսատարածքում՝ Հայրենիքում։

Հայերի՝ իրենց հայրենիքի նկատմամբ հոգևոր և ֆիզիկական անքակտելի կապվածության ապացույցներից են նաև Հայոց պատմության վերջին հարյուրամյակի եղբրական էջերը։ Արդու Համիդի կողմից Արևմտյան Հայաստանում 1894—1896 թվականների պետականորեն կազմակերպված հայկական ջարդերը լուրջ պատճառ դարձան կոտորածներից փրկված հայության մի ստվար զանգվածի համար Հայաստանը լքելու և աշխարհով մեկ սփռվելու համար։ Նվառաչին հայացքից որքան էլ ապօրինակ թվա, ներսահանկեց արվեց Համիդը և Թուրքիան Խրիսթոսի կողմից փրկված հոյակեց իբր սահմանադրական պետություն, արտերկրի հայության մեջ ակնբախ դարձավ հայրենիք վերադառնալու ձգտումը։

Չանդած ընդամենը մի քանի տարի հայության գլխին պայթեց մի նոր, աշխարհում դեռ չտեսնված և չխված 1915 թ. ցեղասպանության արհաւիրքը։ Երիտթուրքերը պետականորեն և նորովի ծրագրավորեցին և կտրուկ բոսթոնության դրեցին հայության բնաջնջման և Արևմտյան Հայաստանի լուրջ հայաթափման հրեշափող ծրագիրը։ Հրի ու սրի մատնվելիցն 1,5 միլիոն հայ, ավերվեց գրեթե ողջ Արևմտյան Հայաստանը, թալանի ու բռնագողթի ենթարկվեց և աշխարհով մեկ սփռվեց ժողովրդի ողջ մնացած մասը։ Թվում էր, թե ողջ մնացածների համար այլևս անհնար պետք է լիներ հայրենիք վերադառնալու խնդիրը մտքի ծալքով անգամ անցկացվելու։ Սակայն որքան էլ անբնական է թվում առաջին հայացքից, բայց փղերական օրերից չէր անցել ընդամենը մի քանի տարի և սկսվեց նկատվել «Երկիր»՝ հայրենի տուն վերադարձողների առաջին զգուշավոր քայլերը։ սկսվում էր ձևավորվել Հայրենիք վերադառնալու համառ գործընթացը։ Ցավոք այդ գործընթացն էլ սառեցվեց 1918—1923 թթ. կոտորածներով։

Արևմտահայության զգալի մասը ստիպված տնավորվեց, տեղավորվեց աշխարհի գրեթե բոլոր երկրներում։ ձևավորվեց, ծավալվեց հայկական Սփյուռք կառույցը, որը դարձավ հայրենիքի 9/10-րդը կորցրած հայության

կենսից ավելիի ապաքինման, կենսագործունեության, 'հոգևոր և ֆիզիկական վերածննդի' կայուն դրավականը: Այսքանից հետո ամենափոքր գործողության և տեսակի պահպանման, կենսաբանական սկզբունքների տեսանկյունից թվում է, թե հայուկությունը այնտեղ է որ մոռանար իր համար կատարյալ դժոխքի վերածված իր Հայաստան հայրենիքը և համակերպվեք իրեն հոգեոր, նյութական և ֆիզիկական լրիվ ապահովվածություն, պաշտպանվածություն, ասպնջականություն և իրավահավասարությունն ապահոված ժողովուրդների հետ միասին, նրանց երկրներում ապրելուն: Առավել ևս, որ առ այսօր այդ երկրների և ժողովուրդների կողմից չի գրանցվել հայատեցության, հայերի օտարման և ոչ մի դեպք: Այդուհանդերձ, բռնագաղթի ենթարկված հայուկության բոլոր սերունդները շարունակաբար մշտապես իրենց զգում են որպես ժամանակավոր հյուր այդ երկրներում: Հայրենադարձության ծայր առած հոսքը Մեծ Եղեռնից դեռ մեկ տասնամյակ էլ չանցած դրա առարկայական դրսևորումն էր: 1921—1936 թթ. Հայաստան հայրենադարձվեց ավելի քան չորս տասնյակ հազար մարդ:

Աշխարհամարտը փասեցրեց առավել ընդարձակվելու միտում ունեցող այս գործընթացը, որը ողջ թափով վերսկսվեց 1946 թ. և շարունակվեց հետագա տասնամյակներին: Սփյուռքահայերի կենսապայմանների բարելավմանը զուգահեռ ավելի խորանում և ուժգնանում է հայրենիքի կարոտը, վերադարձի ձգտումը: Հայուկյան ազգային ընդհանրական մտածողության առաջնային և հիմնական պլան է մղվում Հայ. Դատի լուծման, հայրենիք՝ Արևմտյան Հայաստան վերադառնալու խնդիրը: Ամբողջական Հայրենիքի խնդրի լուծման համազգային անընդհատ ձգտումը ամեն մի հաջորդ սերունդի կողմից հարցի նորովի ամրագրման և ըստ աշխարհի նոր իրականության համապատասխան խնդրի լուծման նոր հնարավորությունների որոնման զսնցվածային այս հարաճուն ուժգնացող և ոչ մարդկային երևույթը իրավամբ պետք է որակել որպես ազգային զանգվածային՝ գիտակցական և ենթագիտակցական, քնական, կենսաֆիզիկական, կենսաբանական օրինաչափություն: Կոչված լինելով հարատևման խնդրի լուծմանը մասնակից լինելուն, այն հերակա է և իր ազդեցությամբ հաղթահարում է լոկ ինքնանպատակ ուղիատումն ապահովող, աչքպես փռված «պարզ, առողջ» դատողությանը, ամենափոքր գործողության սկզբունքին:

Կենսականության ԴԱՇՏԸ ՈՐՊԵՍ ԲԱՆԱԿԱՆ ՄԱՍՆԻՒԱՅԻ ԲՈՂՈՐ ԿԱՌՈՒՅՑՆԵՐԻՆ ՆԵՐՀԱՏՈՒԿ ԻՐԱԿԱՆՈՒԹՅՈՒՆ: Ընդունելով իրականը տարածաժամանակային ծավալաձգվածության և բնապատմական զարգացման մեջ մեկ փոխկապակցված, փոխազդվող և փոխազդող ամբողջական ընդհանրություն է հիմնադրույթը և ձգտելով տեսնելու աշխարհը մեկ օրգանական ամբողջականության մեջ, դիտելով մարդկային հասարակությունը, կենդանական, բուսական և ֆիզիկական աշխարհները իբրև այդ ընդհանրության մեջ համագործակցող, փոխազդող համակարգեր, անհրաժեշտ է դառնում տարբերակել և հետազոտել թե՛ մարդկային աշխարհում անհատների փոխազդեցությունները, ինչպես և՛ այն, թե՛ դրանք հանրության զանգվածի հետ ինչպիսիք ձևերի, մեխանիզմների և օրենքների հիման վրա են գործում: Բնականաբար, անհատ-անհատ և անհատ-հասարակություն, անհատ-բնություն և հասարակություն-բնություն՝ փոխհարաբերությունների, դրանց օրինաչափությունների, հասարակության կառուցվածքային օրենքների և դրանց զարգացման խնդիրների լուծումների ընթացքը կանխավ պայմանավորված է ելակետային մոտեցումների ընտրությամբ: Տվյալ քննարկման համար մենք կառանձնացնենք հետևյալ մոտեցումները՝

Ա) Մարդը՝ անհատը, առանձնացված է հասարակությունից և բնությունից: այսինքն նա ներկայանում է որպես ամբողջի՝ մեխանիկական, քվարանական մասը:

Բ) Մարդը հատարակության և բնության օրգանական, կառուցվածքային մասն է, ամբողջի անբաժանելի մասը և իր տեղով, դերով ու նշանակությամբ ամբողջացնում է ընդհանրությունը:

ՀԱՄԱԿԱՐԱԳԵՐԻ ՏԵՂԵԿԱՆՍՎԱԿԱՆ ՀԱՄԱԳՈՐԾԱԿՅՈՒԹՅԱՆ ԱՆԴՐԱԴԱՐՁ-ՄԱՆ ՏԱՐԲԵՐԱԿ: Քննության հիմքում դեռևս դնենք համակարգի կայունության՝ ամբողջականության պահպանման անհրաժեշտությունը իր՝ համակարգի ձևավորման, գոյատևման, հարատևման, այսինքն բնապատմական զարգացման բոլոր շրջանների համար:

Նոր մարդկային միջավայրը՝ հասարակությունը, դիտում ենք որպես անհատների մեխանիկական ընդհանրություն, այսինքն մարդուն առանձնացնում ենք միջավայրից, նույն մոտեցումով զուգահեռաբար նաև կենդանաշխարհից, ապա բնականորեն հետևում է, որ մարդը, որպես առանձին համակարգ, գործում է լրիվ ինքնուրույն: Ինչ խոսք, այս մոտեցման դեպքում նրա գործունեությունը ամբողջապես հենված պետք է լինի բնության ընդհանրական օրենքների, սկզբունքների և օրինաչափությունների վրա: Այսինքն՝ երկու և ավելի մարդկանց, ինչպես նաև մարդ-կենդանի փոխադարձ կապերը, փոխազդեցությունները պայմանավորված են լինում միայն բնական օրենքների ընդհանրությամբ ապահովված փոխմիատեղեցիներից: Այսինքն, երկու անհատ միմյանց հետ համագործակցում են՝ օգտագործելով տվյալ իրավիճակին համապատասխան օրենքները որպես միմյանց հետ կապող, իրար համաձայնեցնող համակարգ: Հետևաբար, նրանց կապող տեղեկատվական լարժառիթային գործոնը դուրս է իրենցից, այսինքն, գործում է այսպես կոչված անդրադարձային կապի համակարգը: Սույն մոտեցումից բնականորեն հետևում է, որ հասարակական, ինչպես նաև կենդանական կառույցների կայուն կենսագործունեության համար անհրաժեշտորեն պահանջվում է բարձր կազմակերպվածություն, կառուցվածքային օրենքների և նրանց պահանջների հստակ, աներկբա և ըստ ժամանակի ներդաշնակ կիրառություն: Հակառակ դեպքում համակարգը, որպես մեկ ընդհանրություն, շատ արագ կքայքայվի, կտրոհվի տարրերի՝ անհատների, հեռացման, ինքնամեկուսացման ճանապարհով: Նման համակարգը իր գոյության ընթացքում, ըստ էության, գտնվում է անկայուն հավասարակշռության վիճակում, որի կամայական խոտորումը անդադնելի գործընթացով համակարգը կտանի լրիվ տրոհման: Ի դեպ, ամենևին պարտադիր չէ, որ խոտորումը լինի արտաքին ազդեցությունով պայմանավորված և կա՛մ լինի դրա հետևանքը, քանզի անգամ բոլոր արտաքին հնարավոր ազդեցությունների բացառման դեպքում հնարավոր չէ համակարգը պաշտպանել իր իսկ բնապատմական զարգացումով պայմանավորված ազդեցություններից: Նման ինքնակարգավորման և ինքնակառավարման հնարավորությունից զուրկ համակարգին հույժ անհրաժեշտ է դառնում բեկավար կենտրոնի՝ ցեղապետի, միապետի, պետականության անհրաժեշտ և անմիջական, անհատ-հասարակություն փոխհարաբերությունը: Երա՛հե՛ր և Կենդանարող միջամտությունը, որը սակայն հնարավոր է իրականացնել, համակարգի արդեն ձևավորվածության պայմաններում: Այստեղից հետևում է, որ եթե համակարգը, այդուհանդերձ, անկայուն է անգամ բարձր կազմակերպվածության պայմաններում, ապա իր ձևավորման սկզբնական շրջանում առավել ևս դատապարտված է շփոթության: Այսինքն, հիմքում դնելով այս մոտեցումը, ակնհայտ է դառնում, որ թե մարդկային և թե կենդանական աշխարհի ձևավորումը, ի՛նչ ուր մնաց ախօրվա հայտնի կառուցվածքային ձևերը տառապանք հնարավորությունը կբացառվի:

Այսպիսով, Ա) մոտեցումը ընդունելի և կիրառելի չէ մատերիայի ինքնավերարտադրվող բարձրագույն ձևի, բնական մատերիայի համակարգերի ձևավորման, բնապատմականորեն կայուն կենսագործունեության և զարգացման ապահովման հարցերում:

Մատերիալի ինքնավարարտագրվող ձևի ենթակառուցվածքի համար մոտեցման Ա) տարբերակը կոչենք երկու համակարգերի համագործակցության տեղեկատվական կապի անդրադարձման տարբերակ, որը մենք ոչ ինական է անհրաժեշտ համարում նաև այն տեսանկյունից, քանի որ մեզ տալիս կասկածելի է մենք անդրադարձվող ազդեցության օբյեկտիվ իրականությունը, բնական է ճշտությունը. առկա է այն կեղծ լինելու, ինչպես նաև կեղծելու հնարավորությունը: Այն հիմնականում հենվում է ամենափոքր տրոփոքության սկզբունքով պարամետրիզմով այսպես կոչվող անմիջական, մալուխով շահեկանության վրա, որը առավել ևս բանական համակարգերի կենսագործունեության համար անհրաժեշտ, բայց ոչ բավարար պայման է, քանզի այն ձգտելով ինքնանպաստակալություն, աստիճանաբար համակարգը կղրկի նպատակայնությունից, որն էլ իր հերթին կհասցնի համակարգի հաղթանակի, բացառման, այսինքն ինքնառնչման:

Ամենափոքր տրոփոքության սկզբունքը իր հերթին բնականորեն կարգելի հարաբերություններում ստեղծագործական նախաձեռնության զարգացումը և դրանով պայմանավորված բանականության ներմտածունք, այսինքն կարգելի ամենամեծ տրոփոքության սկզբունքի գործունեությունը:

Կարծում եմ, որ ավելի իրական, ճշմարտամոտ պետք է համարել այն, որ բնությունն իր ընդհանրության մեջ մատերիալի բոլոր ձևերով և տեսակներով, բոլոր մասերով կառուցված է օրգանական որոշակի, մասնավոր ընդհանրություն կազմող տարրերից: Ինքնավարարտագրվող մատերիալ մարդկային, կենդանական, փոսական աշխարհները, որպես մատերիալի ընդհանրական ձև, իր մեջ կրում է բանական մատերիալի՝ մարդկային հասարակությունն ենթադր, որը ինքնին որոշակի ընդհանրություն է: Կենդանական աշխարհը, ինչպես նաև փոսական աշխարհը իրենց մասնավոր ընդհանրություններով որոշակի միասնություններ են, որոնց ամբողջականությունը իրենց հերթին կազմված է տեսակներից: Տեսակներն էլ իրենց հերթին ներկայանալով որպես խիստ որոշակի ամբողջականություն կազմող ընդհանրություններ, իրենց հերթին կազմված են տվյալ տեսակի էությունը, ընդհանրական բնութագրերը կրող, պահպանող, ժառանգող և վերարտադրող անհատներից: Ընդ որում, կամայական տեսակի ամեն մի անհատ օրգանիզմ իր անհատական ամբողջական ընդհանրության մեջ ի հայտ է գալիս որպես մեկ միասնական օրգանիզմ՝ իր բոլոր կառուցվածքի անհակադիր, ներդաշնակ, միմյանց յրացնող և միմյանցով պայմանավորված մասերով:

ՄԱՐԴԻՆ ԵՐԳԱՆԱԿԱՆ ՄԱՍՆ Է ԱՄԲՈՂՋԻ ԲՆՈՒԹՅԱՆ ԵՎ ՀԱՍԱՐԱԿԱՆ ԹՅԱՆ: Տվյալ մոտեցման տեսանկյունից քննության առնենք մատերիալի ինքնավարարտագրվող ձևերը՝ մարդուն, մարդկային հանրությունը և կենդանական աշխարհը: Երկու ձևերն էլ հատուկ է ենթագիտակցական մտածողությունը, որով կազմակերպված է և որով կարգավորվում է անհատ օրգանիզմի կենսագործունեության ողջ ընթացքը, կառավարվում են զարգացման և պաշտպանական ֆունկցիաները, պահպանվում ֆիզիկական միջավայրի հետ փոխադրությունը, հարմարվելու խնդիրները:

Գործունեության այս տիրույթում ենթագիտակցական մտածողությունը հիմնականում հենվում է ծաղրամենաբանական կառուցվածքային մեխանիզմների, օրենքների, ինչպես նաև արեաքի, աշխարհից բոլոր զգայարաններով գրանցված տեղեկատվության վրա: Այսպես մասով թեոևս կարելի է որոշակիորեն հենված մնալ մոտեցման Ա) տարբերակին: Սակայն արդեն ինքնավարարտագրման՝ անհրաժեշտ համապատասխան զույգի որոնման, սերնդի տեղեկման, բնատնիքի ձևավորման, հասարակական ավելի լրարկ կառույցների ստեղծման և ինքնագարգառման գործունեացնելում երկու և ավելի տարրերի համագործակցության փոխհարաբերություններում, ինչպես նաև տեսակի պահպանման խնդիրներում ի հայտ է գալիս նրանց ենթագիտակցությունները անմիջական կապի մեջ դնող, ընդհանրական ենթա-

գիտակցական մտածողություն ստեղծող նյութական տեղեկատվական դաշտի օբյեկտիվ անհրաժեշտությունը:

Մերնդի զարգացման, արտաքին աշխարհի հետ փոխազդելու, կենսագործունեության տարրերի, սկզբունքների հետ ծանոթանալու, վարժվելու խնդիրներում ուղղակի անհրաժեշտություն է դիտվում հիթագիտակցական մտածողությունների անմիջական կապով փոխազդելու խնդիրը:

Հասարակության ամենատարրական կառույցից՝ ընտանիքից, դարգանալով դեպի կազմակերպչական առումով ավելի բարդ կառույցի, որն է կենդանական աշխարհում հոտը, երամը, մարդկանց համար տոհմը, ցեղը, ցեղախումբը, ժողովուրդը, ազգը, անհնար է լինում այդ կառույցների ըստ ժամանակի և տարածության գոյության, կայունության և հարատևման խնդիրները չուծել միայն ի սկզբանե դրված և հաստատուն ներքին ծագումնաբանական կառուցվածքային օրենքներով (բնազդներ): Այդ կառույցների համար արդեն որպես ուղղակի անհրաժեշտություն ներկայանում է տվյալ կառույցի բոլոր ենթագիտակցական մեխանիզմների հետ առնչվող, նրանց մեկ ընդհանրության բերող և արդեն դրան յուրահատուկ և անհրաժեշտ ընդհանրական խնդիրները լուծող, այսպես կոչված ընդհանրական ենթագիտակցական մտածողության ստեղծումն ապահովող դաշտի առկայությունը:

Կենսոսնային ՍԵՆՏԵՆՆԱԿԱՆ ԴԱՇՏ: Շրջանցենք այն, թե կենսատեղեկատվական դաշտը ֆիզիկական ինչպիսի երևույթ է, ինչպես է տարածվում և ինչպես է ապահովում ուղիղ և հետագարձ տեղեկատվական կապը, ինչպիսին է նրա գործունեության շառավիղը և ուրիշ ինչպիսի ֆիզիկական բնութագրեր ունի, քանի որ այդ խնդիրները այլ հետազոտությունների առարկա են: Բավարարվենք սահմանելով կենսատեղեկատվական դաշտի գոյության վարկածը և ընդունելով, որ այն, որպես նյութական ֆիզիկական դաշտ, նույնական է զրավիտացիոն դաշտին, տարածվում է անարգել, վերջավոր արագությամբ: Սահմանենք նաև, որ ըստ մատերիայի ձևերին և ենթաձևերին համապատասխան, տեսակները, այդ դաշտը իր ընդհանրության մեջ մասնատվում է որոշակի կանոնավորված բաշխվածության, ըստ հաստատուն, պահպանվող օրինաչափությունների, հատվածային տիրույթներ ընդգրկող ամբողջական փաթեթների, որոնց մեջ կանվանենք տվյալ ՏԵՄԱԿԻՆՆԱԿԱՆ ԲՆՈՒԹԱԳԻՐ: ՄԱԳՈՒՄՆԱԲԱՆԱԿԱՆ ՀԱՍՏԱՏՈՒՆ ԲՆՈՒԹԱԳԻՐ:

Այսպիսով, մարդը, որպես ֆիզիկական սուբյեկտ և օբյեկտ կենսատեղեկատվական դաշտ առաքող և ընդունող է: Նա գործում է ընդհանրական տեղեկատվություն կրող դաշտի առկայությամբ՝ գոտնցելով իրեն հասցեագրված կամ իրեն յուրահատուկ և անհրաժեշտ տեղեկատվությունը, զուգահեռաբար շրջապատին առաքելով իր մասին և իր ենթագիտակցական մտածողության արդյունք հանդիսացող տեղեկատվություն: Այսպես կարևորվում է տվյալ տեսակի և նրա բաղադրիչ անհատների տեղեկատվական դաշտի ՀԱՍՏԱՏՈՒՆ ԲՆՈՒԹԱԳՐԱՅԻՆ ՓԱԹԵԹՆԵՐԻ ՀԱՄԱԿԱՆՆԵՐՈՒԹՅԱՆ՝ ՆՈՒՅՆԱԿԱՆՈՒԹՅԱՆ խնդիրը:

Այսպիսով պետք է ենթադրել, որ ինքնավերարտադրվող մատերիայի կենսագործունեության, գոյության և հարատևման ոլորտներում հենց կենսատեղեկատվական դաշտի հաստատուն բնութագրային փաթեթի հատվածային տիրույթով է պայմանավորված ՏԵՄԱԿԻՆՆԱԿԱՆ ԲՆՈՒԹԱԳՐԱՅԻՆ և նրա միջոցով է գործում տեսակի պահպանման օրենքը: Այս մոտեցման տեսանկյունից կարևորվում են նաև անհատական ենթագիտակցական մտածողության, հաշվարկի, վերլուծության, եզրահանգման, լեզվի, նրա ծրագրային հիմքի, այսպես կոչված ենթագիտակցական լեզվամտածողության խնդիրը (ընդհանրապես ինքնավերարտադրվող մատերիայի համար) և մատերիայի բանական ձևի՝ մարդու և նրա տեսակների՝ աղբյուրի, ենթագիտակցական և գիտակցական բանական տեղեկատվության փոխազդեցության, բանական մտածողության, ազգային լեզվի և լեզվամտածողության խնդիրները:

ԱնշԱՏԻՆ ԻՆՐՔԻՆ ԷՆԵՐԳԵՏԻՈՒՅԻ ՊԱՀՊԱՆՄԱՆ, ՀԱՄԱՊԱՏԱՍԽԱՆ ԲԱՇԽՄԱՆ ԻՆԱԿԱՆ ԿԱՐԳԱՎՈՐՄԱՆ ՕՐԵՆՔ: Որպես կենդանի օրգանիզմ, մարդը ոժտված է իր կառուցվածքային, շափերին և գործունեությանը անհրաժեշտ ու համապատասխան որոշակի, էներգետիկական հզորությամբ: Ընդունելով սնունդ, ջուր և թթվածին, տվյալ օրգանիզմը դրանք վերարտադրում է էներգիայի անհրաժեշտ ձևերի և բնական կարգավորումով կատարում համապատասխան բաշխում:

Սուրբյեկտի ձևավորման և աճի շրջանում էնեոբրգիան օբգանիզմի զարգացմանը զուգընթաց աճելով՝ բաշխվում է հետևյալ կենսական ֆունկցիաների լավարարման համար՝ (թվարկումը և դասակարգումը կրում են նախնական և ընդհանուր բնույթ)։

ա) կենսագործունեություն, բ) ֆիզիկական աճի և գործունեության, գ) կենսագործունեության աշխարհաճանաչողական վարժեցման, դ) մտավոր ներուժի կուտակման, ե) կենսատեղեկատվական դաշտի՝ երկկողմանի գործունեության, զ) տեսակի պահպանմանը հետամտող պաշտպանական խնդիրներ:

Արդեն, յիտփին ձևավորված սուբյեկտի մեջ վերարտադրված էներգիան
բաշխվում է օրդանիրդմի ֆունկցիոնալ գործունեության հետևյալ խնդիրներին
միջև.

ա) օրգանիզմի կենսագործունեության, բ) ֆիզիկական գործունեության, գ) կենսատեղեկատվական՝ երկկողմ կապի, դ) մտավոր գործունեության՝ (գիտակցական և ենթագիտակցական), ե) տեսակի վերարտադրման՝ սերունդաստեղծման, նրան հոգևոր և մտավոր ժառանգության փոխանցման, զ) տեսակի պահպանմանը հետադիմացաբար պաշտպանական խնդիրները, է) իր անհատի գոյատևման բնապատմական զարգացման և հարատևման խնդիրներին:

Քանի որ օրգանիզմը կառուցված է առավելագույն արդյունավետության և նպատակահարմարության սկզբունքով, ապա ակնհայտ է, որ վերարտադրվող էներգիան հիմնականում ծախսվում է օրգանիզմի աճնդհատ գործունեության վրա : Ներքին էներգիայի պահեստավորման մասը շնչին է, որն էր ֆունկցիոնալ առումով ծառայում է միայն խիստ ճգնաժամային, չնայած նաև վիճակներում կարճաժամկետ կենսագործունեության ապահովմանը: Երբ օրգանիզմն ինչ-ինչ պատճառներով դուրս է գալիս իր բնական համաչափ օրթմից կամ երբ առաջանում է նրա զոդոթյունը սպառնացող վտանգ, այդ դեպքում օրգանիզմը, ըստ առաջնային անհրաժեշտության, բավարարման, էներգիայի մեծ մասը նպատակաուղղում է սպառնացող վտանգի օջախը վերացնելուն կամ դրանից խուսափելուն: Քանի որ օրգանիզմի ներքին էներգիան սահմանափակ է և ոչ բնականոն և հավելյալ էներգիայի անհրաժեշտության վիճակներում չունի դրսից՝ այլ աղբյուրներից, այդպիսին ներմուծելու հնարավորություն, ապա օրգանիզմը տվյալ անհրաժեշտության խնդիրը լուծում է ի հաշիվ մնացած ֆունկցիաների: Կատարվում է դրանից էներգամատակարարման կտրուկ նվազեցում, որը որոշ ուղղություններում երբեմն հասնում է զրոյից դուրս, օրինակ, երբ օրգանիզմ է ներթափանցում ինչ-որ հարուցիչ կամ մարմինը ստանում է ֆիզիկական վնասվածք, այդ դեպքում էներգիայի ստվար մասը տրամադրվում է խորթ մարմնի՝ հարուցիչ օտարմանը կամ չեզոքացմանը: Վնասվածքների դեպքում, երբ էներգիայի անբավարարությունը լինում է այնքան, որ անհնար է լինում իրականացնել մտավոր գործունեություն, ինչպես և ֆիզիկական տարրական դործողություններ, սուբյեկտը վերածվում է անկողնային հիվանդի:

Արապիտով նման իրավիճակներում տեղի է ունենում օրգանիզմի ներքին էներգիայի քնականոն անհրաժեշտ համամասնության բաշխվածության ժամանակավոր խախտում. նույնը տեղի է ունենում վերը թվարկած՝ ա-զ կե-

տերից և որևիցե մեկի գործունեության բնականոն վիճակից ամեն մի, անգամ մասնակի շեղման դեպքերում:

Երբ տվյալ օրգանիզմը գտնվում է իր տեսակին համապատասխան միջավայրում, այսինքն՝ իր ազգային կենսատարածքում՝ չայրենիքում, իսկ ակարգկալի հանրության և փոխհարաբեղությունների առումով հիմնականում շրջապատված է իր ազգային համահավաք ամբողջականությամբ և իր տեղով, դերով ու նշանակությամբ յնչդո՞ւմ է ամբողջի՝ ազգի մասը, ապա նրա՝ իր հզորությանը համապատասխան վերարտադրած էներգիան լրիվ արգյունավետությամբ տրամադրվում, բաշխվում է գոյատևման և հարատևման խնդիրների կատարմանը, ըստ համապատասխան գործունեության ոլորտների: Այս դեպքում անհատը գտնվում է լայուն հավասարակշռության բնականոն, համաշափ, ներդաշնակ կենսագործունեության զարգացման վիճակում:

Սակայն բավական է, որ անհատը դուրս գա իր ազգային տարածական աշխարհագրական և հասարակական միջավայրից, գտնվի իր ազգակիցների հետև և շրջապատված լինի, ազգային ժողովնաբանական առումով օտարների, ռուսների կտրուկ աճի տեսակի պահպանման պաշտպանական ֆունկցիաների համար ծախսվող էներգիայի՝ բաշխվող էներգիայի որոշակի դերածախս է կատարվում նաև անհատի կենսատեղեկատվական գործունեության ոլորտում, ներկրվող տեղեկատվության բեռնաթիվական ոչ համապատասխանության պատճառով՝ թարգմանական գործունեության, համապատասխանեցման վրա ծախսվող էներգիայի չափով: Այդ դեպքերում էներգիայի պակասը առաջնայնորեն անդադրում է անհատի մտավոր զարգացման, ստեղծագործական նախաձեռնության կարողությունների, յուր, նվազեցնելով դրանց գործունեությունը և սահմանափակելով հնարավորությունները:

ՏԵՂԵԿԱՏՎԱԿԱՆ ԴԱՇՏԻ ՑԻՋԻԿԱԿԱՆ ԷՈՒԹՅՈՒՆԸ. ԿԵՆՍԱԳՐԱՎԻՏԱՆՑԻՈՆ ԶԱՍՑԻ: Ամենայն հավանականությամբ կենսատեղեկատվական դաշտը կենդանի օրգանիզմի կողմից գրավիտացիոն դաշտի քվանտացված դրոշմման էներգիայի՝ ազդանշանների ճառագու՞ծ է: Ճառագայթման էներգիայի աղբյուրը տվյալ մարմնի զանգվածի ներքին ռադիոակտիվ գոպիտադիոն դաշտն է: Այն տարածվում է տվյալ աղբյուրների շրջակա միջավայրում և առ շահագործողների գրավիտացիոն դաշտերի առկայությունից ու նրանց բաշխվածությունից անկախ, ունի մեծ իմպուլսային ցիկլոթյուն: Կենսատեղեկատվական դաշտի ֆիզիկական բոլոր բնութագրերը՝ տարածման, ինտենսիվություն, բաշխման, փոխազդեցության օրենքները նույնն են, ինչ ոչ օրգանական զառքվածի կայուն գրավիտացիոն դաշտին:

Այսպիսով, կենսատեղեկատվական ազդանշանը մեր տեսանկյունից ոչ այլ ինչ է, եթե ոչ մարմնի գրավիտացիոն դաշտի որոշակի վանդակավորման, հաջորդականության և հասավորվածության՝ զաղտնագրման (կոդավորման), ներքին ռադիոակտիվ գրավիտացիոն դաշտի քվանտացված ընդման ազդանշանների ճառագու՞ծ:

Այստեղից, բնական է հղականել, որ կենսագրավիտացիոն ճառագուման հատկություն ունեցող կենդանի օրգանիզմը պետք է ունենա նաև այլ մարմնի կողմից ճառագած նույնական ազդանշաններ, բնութամանը դրանցման և ենթագիտակցման հիշողության մեխանիզմում ալն ամրագրելու, վերլուծելու վերծանելու հնարավորություն: Ենթագիտակցական մեխանիզմի առկայի հնարավորությունն ու հատկությունն էլ երկու և ավելի անհատների միջև ենթագիտակցական տեղեկատվական անմիջական կապի և նրանց փոխազդեցության, ալնպիս կոչված բնագոյալի փոխգործադրության, ինչպես նաև զանգվածալի մտածողության և որոշ որոշման մեխանիզմն է:

ԿԵՆՍԱԳՐԱՎԻՏԱՆՑԻՈՆ ԶԱՍՑԻ ԿԱՄ ԾՆԻԴԱՎԱՅՐ, ԶԱՐԱԳԱՏ ՄԻՋԱՎԱՅՐ, ԶԱՅՐԵՆԻՔ: Քանի որ կենսատեղեկատվական դաշտը մեղ հայտնի գրավիտացիոն դաշտն է, իսկ նրա տեղեկատվություն կրող ազդանշանները

իրենցից ըստ էության՝ ներկայացնում են որոշակի հաճախականությունների, կանոնադրվածություն, հաջորդականություն և դասավորվածություն դրավիտային դաշտի հատվածային խտացումների քվանտացված բաժիններ, սակայն պետք է նշանակել, որ կենդանի օրգանիզմը, գտնվելով երկրագնդի և իր շրջակա միջավայրի առկա դաժնածներով պայմանավորված ընդհանրական գրավիտացիոն դաշտում, պետք է որ որպես շրջապատի ազդեցություն, անընդհատորեն զգա նաև շրջակա միջավայրի գրավիտացիոն դաշտի տարածական պատկերը՝ իր ողջ ընդհանրական և մասնակի դրսևորումներով։ Այսինքն, այն պետք է զգա շրջակա գրավիտացիոն դաշտի ներդրակ (պոտենցիալ) էներգիայի տարածաժամանակային բաշխվածությունը, ինչպես և նրա ժամանակի պարբերական և ոչ պարբերական փոփոխությունները։

Հայտնի է, որ ոչ սֆերիկ որոշակի սեղմվածություն ունեցող Երկրի վաղապես, ըստ խտությունների, ունի տարածական որոշակի բաշխվածություն, որով և պայմանավորված է երկրի մակերևութի կամայական կետի տեղային որակիտացիոն մակրո նկարագիրը։ Եթե այդ նկարագրին ավելացնենք նաև տվյալ տարածքի գրավիտացիոն ռելեֆային և ընդերքի զանգվածի տարարժեք միկրոբաշխվածության պատկերը, ապա կարելի է պնդել, որ երկրի մակերևութի ամեն մի կետ, ամեն մի տարածաշրջան ունի իր յուրահատուկ բնութագիրը՝ ունեցող և պահպանվող տարածաժամանակային գրավիտացիոն հոլոգրաֆիկական պատկերը։

Տվյալ տարածքի գրավիտացիոն տարածական, ընդհանրական նկարագիրը՝ պատկերը, անվանենք այդ տարածքի գրավիտացիոն հասցե, որի ընդհանրական և մասնավոր բնութագրերով փաստորեն որոշվում և մյուսներին զանազանացվում, տարբերակվում է տվյալ տարածքը։

Այսպես, որ կենսատեղեկատվական դաշտի ընդհանրական փաթեթը մեկն է ազգի ծագումնաբանական կառուցվածքային հիմնական «տեսակները» միմյանցից զատորոշող, ժառանգաբար փոխանցվող, բնապատմական զարգացման (էվոլյուցիոն) ընթացքում անփոփոխ և քստ տարածաժամանակի խտորեն պահպանող հիմնական մեծություններից։ Այստեղից, բնականաբար, հետևում է, որ կենսատեղեկատվական դաշտի հիմնական պատկերով է պայմանավորված և նրանով է ղեկավարվում մատերիայի բանական ձևում տեսակի պահպանման օրենքը, որն է՝ ազգի պահպանման, հարստեման, կենսագործունեության, ինքնավերարտադրման, գոյության զարգացման օրենքը։ Այստեղից կարելի է ենթադրել, որ ամեն մի ազգ, ձևավորվելով մոլորակի մի որոշակի տարածքում, ի սկզբանե, իր ձևավորման ժամանակաշրջանում մշտապես գտնվելով տվյալ տարածքին յուրահատուկ գրավիտացիոն դաշտի որոշակի միկրոբաշխվածության ֆոնի միջավայրում, որը պայմանավորված է տարածաշրջանի ռելեֆով (սարեր, ձորեր, ծովեր, ինչպես նաև ընդերքի խտությունների բաշխում) իր տեսակի՝ ազգի, կենսատեղեկատվական դաշտի հիմնական փաթեթի տվյալների հետ՝ ենթագիտակցական հիշողության համակարգի հիմնական ամրադրման մասում պետք է զբաղված ունենա տվյալ տարածքի կենսագրավիտացիոն «հասցեն», որպես տվյալ ազգի տարածական տեղաբաշխման ծագումնաբանական հասցեագրումով ամրագրված հիմնական տարածք։ Հետագայում այն կանվանենք նաև կենսատարածք։

Այսպիսով, տվյալ ազգին պատկանող ամեն մի անհատի ենթագիտակցական, ազգային ծագումնաբանական հիշողության համակարգում, որպես պահպանվող մեծություն ամրագրված է տվյալ ազգի կենսագրավիտացիոն հասցեն։ Կենսագրավիտացիոն հասցեն իր ընդհանրության մեջ կառուցված է միմյանց լրացնող և անհրաժեշտորեն դեպի մեկ ամբողջություն ծավալվող ենթահասցեներից, որոնք են.

ա) ԵՆՆԴԱՎԱՅՐ։ Կենսագրավիտացիոն այս «ենթահասցեն» անհատի ծննդյան, ձևավորման և հասունացման ժամանակահատվածում գտնվելիք

տարածքի գրավիտացիոն միկրոբաշխվածության նկարագիրն է, որի պահպանվող մասը ժառանգվում է ծնողներից, իսկ տվյալ անձով պայմանավորված անհատական լրացման մասը ամրագրվում է ծննդյան և աճման ժամանակահատվածում, որը, ի դեպ, ժառանգաբար չի փոխանցվում:

բ) **ՅԵՂԱՅԻՆ ԵՆԹԱՏԱՐԱՄՔ:** Այս ենթահասցեն տվյալ ազգի որոշակի տոհմի, ցեղի, ցեղախմբի ձևավորման և կենսագործունեության ժամանակահատվածում նրան պատկանող տարածքի կենսագրավիտացիոն պատկերն է, որը ենթագրիտակցական հիշողության համակարգում կազմում է ամբողջական կենսագրավիտացիոն ծագումնաբանական հասցեի կարևոր բաղկացուցիչ մասը, ծագումնաբանորեն պահպանվող ազգային հատկանիշը, որը բնապատմական զարգացման ողջ ընթացքում չի ենթարկվում փոփոխության, այլ ժառանգվում է նույնաբար: Այդ հատկանիշը կենսագրավիտացիոն դաշտի ծագումնաբանորեն պահպանվող մնացած գործոնների՝ լեզվի, նրան յուրահատուկ բարբառի, լեզվամտածողության, աշխարհընկալման, աշխարհաճանաչման, ինքնադրսևորման և այլնի հետ միասին կազմում է ազգի տվյալ ցեղախումբը բնորոշող հիմնական մեծություններից մեկը:

գ) **ԱԶԳԻ ԱՄԲՈՂՋԱԿԱՆ ԿԵՆՍԱՏԱՐԱՄՔ:** Ընդհանրացնող և ամբողջացնող կենսագրավիտացիոն այս «հասցեն» արդեն տվյալ ազգի ծագումնաբանական ձևավորմանը մասնակից, բնապատմականորեն անհրաժեշտ, ազգի ամբողջական կենսատարածքի գրավիտացիոն տարածական քաշխվածության պատկերն է, որն ամրագրված է ազգի ամեն մի անհատի եմթագրիտակցական ազգային հիշողության համակարգում:

Ամեն մի ազգի որևէ անհատի տարածական գտնվելիությունը ենթագրիտակցական վերլուծական մեխանիզմով անընդհատ հետազոտվում և համեմատվում է կենսատեղեկատվական դաշտի կողմից տրվող գրավիտացիոն բաշխվածության ազդանշաններով կառուցվող և ծագումնաբանական հիշողության մեջ ամրագրված կենսագրավիտացիոն հասցեի պատկերների համընկնելիությամբ: Պատկերի՝ մասնավոր՝ առավել ևս ամբողջական համընկնելիության դեպքում անհատը իրեն ապահով և ինքնավստահ է զգում: Այսինքն, տեսակի պահպանման օրենքի տեսանկյունից ըստ էության տեղի է ունենում տարածքային գտնվելիության առումով անհակադիր, հավասարակշռված կենսագործունեության զարգացման վիճակ, որով ապահովվում է տվյալ ազգի և նրան պատկանող անհատի լիարժեք, ամբողջական ու արդյունավետ կենսագործունեությունը: Ամրագրված և առկա պատկերների անհրաժեշտ համընկնելիությամբ են պայմանավորված նաև ազգի թե անհատական և թե զանգվածային մտածողության ստեղծագործական նախաձեռնողությունը և անընդհատ զարգացման հնարավորությունները, քանզի հակառակ դեպքում ենթագրիտակցական մտածողության վերլուծություններին հատկապես է ենթարկվում մի ստվար մաս օրգանիզմի կողմից կտրամագրվելու տեսակի պահպանման խնդիրներին:

Ազգի, ինչպես նաև անհատի գտնվելու վայրի և ազգային կենսատարածքի անհամապատասխանության դեպքում տեղի է ունենում առկա գրավիտացիոն և ծառայումնաբանական հիշողության մեջ ամրագրված կենսագրավիտացիոն պատկերների ոչ համընկնելիություն, որը խթանում է տվյալ տեսակի պաշտպանական ֆունկցիաների ուժեղացում: Այն դրսևորում է թե անհատի և թե զանգվածի՝ միջավայրի նկատմամբ անվստահության, անապահովվածության, անընդհատ ճնշող անբավարարվածության զգացում: Խթանվում է բանականության տեսակետից հաճախ անգամ անբացատրելի համարվող, հայրենիքը՝ կենսատարածքը, վերականգնելու, վերադառնալու ձգտումը, որը ըստ էության, տեսակի պահպանման օրենքով անհատի ենթագրիտակցությանը պարտադրվող իր ազգային ծագումնաբանական կենսագրավիտացիոն «հասցեի» և իրական գրավիտացիոն «հասցեի» համընկնելիությունը վերահաստատելու խնդիր է, որով կապահովվի թե ազգի և թե անհատի բնականոն, լիարժեք, արդյունավետ և ներդաշնակ զարգացումը:

Աղդ-ցեղ-կենսատարածք հարաբերությունների և փոխազդեցությունների տեսանկյունից փորձենք նաև պառնապատկերային տեսանկյունով բացատրելիորեն համակարգել այդ հարաբերությունների որոշ հնարավոր տարբերակները և նրանց համապատասխան ազգերի, ցեղերի և անհատների կեցվածքը, վարքագիծը:

1. ԵՐԲ ԿԱ ԵՐԿՈՒ ՀԱՍՑԵՆԵՐԻ ՀԱՄԱՐՆԿՆՈՒՄ: Այդ դեպքում թե անհատը և թե ազգը գտնվում են կայուն հավասարակշռվածության, ներդաշնակ, լրանական զարգացման վիճակում, քանի որ թե անհատի օրգանիզմի կողմից անհատապես և թե ազգի կողմից ամբողջականացված ձևով վերարտադրվող Ներքին էներգիան ամբողջությամբ, լրիվ արդյունավետությամբ և անարվել բաշխվում է կենսագործունեության, գոյության և հարատևման խնդիրների կատարմանը համապատասխանաբար, ըստ գործունեության ոլորտների համապատասխան և բավարար չափերով:

2. ԵՐԲ ԱՆՀԱՏԸ, ԱՋԳԸ ՄԱՍԱՄԲ ԿԱՄ ԱՄԲՈՂՋՈՎԻՆ ՉԵՆ ԳՏՆՎՈՒՄ ԻՐԵՆՑ ԿԵՆՍԱՏԱՐԱՐՎԱԾՈՒՄ: Անհատը գտնվում է անընդհատ լարվածության, ներքին հոգևոր անբավարարվածության, իր տեղը չգտնելու հոգեբանական վիճակում: Առաջնային պլան է մղվում հայրենիքի, ազգակիցների նկատմամբ անհաղթահարելի կարոտի հոգեբանական վիճակը, որը բանական և ենթագիտակցական խնդիրների լուծումները հաճախ հանգեցնում է ոչ հաշվարկված, ոչ տրամաբանական, ոչ բանական, այլ ազգակցական լուծումների: Անընդհատ հետապնդվող և գերակա է դառնում հայրենիք վերադառնալու, հայրենիքը վերգտնելու և հոգեպես խաղաղվելու անսոսելի ճրգտումը: Վտանգի զգացողությունը կտրուկ փոխանում է տեսակի պահպանության պաշտպանական ֆունկցիաները, աճում է այդ խնդիրների լուծմանը արամադրվող էներգիան: Անհատը գիտակցորեն և ենթագիտակցորեն, անընդհատ փնտրում է ճանապարհներ, հնարավորություններ և միջոցներ՝ հայրենիք, իրեն անհրաժեշտ կենսատարածք փերադառնալու համար: Եվ այդ երևույթը, փաստորեն ոչ թե պարզապես անհատի պատմական հիշողության ցանկության մի քմայք է, այլ իր էությունամբ իրոք ոչ անհաղթահարելի բնական՝ ֆիզիկական, կենսաբանական օրինաչափություն: Այնպես որ, կամ թե ակամա, ըստ ժամանակի, լուրջ հնարավոր և սառը դատողությունների, հաշվարկի տեսանկյունից անգամ անհնարին ուղիներով ի վերջո այդ խնդիրը լուծում է իր միակ հնարավոր լուծումը, այն է՝ անհատը, ազգը վերահաստատվում է իր կենսատարածքում՝ հայրենիքում:

3. ԵՐԲ ԲԱՑԱԿԱՅՈՒՄ Է ՀԱՄԱՊԱՏԱՍԽԱՆ ԳՐԱՎԻՏԱՑԻՈՆ ԲԱՇԽՎԱԾՈՒԹՅԱՆ ՊԱՏԿՈՒՄ: Երբ ինչ-ինչ բնական, սովորադրական աղետի հետևանքով լրիվ ձևափոխվում է որևիցե ցեղի կամ ազգի կենսատարածքի՝ գրավիտացիոն բաշխվածության պատկերը, այդ պարագայում ցեղը կամ ազգը գոյության գալով իրեն արդեն խորթացած տարածքից, մտնում է իր կենսատարածքի անընդհատ որոնման մղվածանք, փնտրում է այն, որը այլևս չկա:

4. ԵՐԲ ԿԱՐՑՈՒՄ ԵՆ, ԹԵ ԻՐԵՆՔ ԻՐԵՆՑ ԿԵՆՍԱՏԱՐԱՐՎԱԾՈՒՄ ԵՆ, ՍԱԿԱՅՆ ԱՅԴՊԵՍ ՉԷ: Երբ թե անհատը, թե ազգը բանականորեն կարծում է, կամ անգամ վստահ է, թե ինքը գտնվում է իր կենսատարածքում և սակայն իրականում այդպես չէ, այս դեպքում տեղի է ունենում բնական աստիճանական, երբեմն անգամ ինչ-ինչ հանգամանքներում, զանգվածային վերադառնալու:

5. ԵՐԲ ՑԵՂԻ ՉԵՎԱՎՈՐՄԱՆ ՈՂՋ ԸՆԹԱՑՔԸ ՏԵՂԻ Է ՈՒՆՑՅՆԻ ԱՆԸՆԴՀԱՏ ԵՄԵՐՄԱՆ ՄԵՋ: Այս դեպքում թե անհատի և թե ցեղի մեջ բացակայում է նրանց յուրահատուկ ցեղային ծագումնաբանական կենսագրավիտացիոն պատկերը: Առկա է լինում միայն ամենաընդհանուր գծերով ներկայացնող մեծ տարածաշրջանի գրավիտացիոն բաշխվածության պատկերը: Տրվյալ ցեղը մշտապես կգտնվի ջրվորության վիճակում: Նստակցության պարտադրանքի պայմաններում ընդհանրական ցեղային շարժունակությունը կտրուկ իրարից անկախ, ամբողջովին անհատական շարժունակության,

որի հետևանքով տվյալ ցեղը որպես տեսակ այլևս չի լինի:

Նույն սկզբունքներով և կառույցներով են ապահովված կենդանական աշխարհի կենսադործունեությունը, տեսականների պահպանության օրենքը, տեսականների տարածական տեղաբաշխումները, շարժումները և այլն:

Այսպիսով, ակնհայտ է, որ հայրենիք երևույթի գոյությունը ոչ թե պատմական հիշողության, սովորույթի կամ պոտաքին բնակչության համարվածության խնդիր է, քանզի այդ ամենը բնապատմական զարգացման ընթացքում մշտապես փոփոխվող երևույթներ են, այլ բավական խորքային, մատերիական անհրաժեշտություն:

ՀԱՅ ԴԱՏԻ ՎՈՒԾՈՒՄԸ ՈՐՊԵՍ ՈՉ ՄԻԱՅՆ ՀԱՅՈՒԹՅԱՆ, ԱՅԼԵՎ ՔԱՂԱՔԱԿՐԹՈՒԹՅԱՆ ԻՆԱԿԱՆՈՆ ԶԱՐԳԱՑՄԱՆ ԱՆՀՐԱԺԵՇՏՈՒԹՅՈՒՆ: Այժմ քրննարկված Հայ Դատի լուծման անհրաժեշտության խնդիրը Հայաստանի ու հայության, Թուրքիայի և քաղաքակրթության տեսանկյունից:

ՀԱՅԱՍՏԱՆԻ ԵՎ ՀԱՅՈՒԹՅԱՆ ՏԵՍԱԿՅՈՒՆԻՑ: Ինչ խոսք, հայության համար, որի կեսից ավելին այսօր գտնվում է հայրենիքից դուրս, սփռված է աշխարհով մեկ, որը կորցրել է իր հայրենիքի 9/10-րդ մասը, Հայ Դատի լուծման հարցը ներկայանում է որպես բնական, կենսական անհրաժեշտություն, մշտական և առաջնայնորեն հրատապ խնդիր: Այդ վիճարկի լուծված չլինելը արդեն երկար ժամանակ է ինչ արգելված է ենթարկել հայության բնականոն, բնապատմական զարգացումը: Այդպիսի իրավիճակը յոշորեն խռնրդոտում է, որ հայությունը վերագնա իրեն համապատասխան և ճիշտ տեղը, դերը և նշանակությունը համաշխարհային քաղաքակրթության մեջ: Այդ պատճառով այսօր հայությունը թերևս ավելի, քան քաղաքակրթություն սպառող է քան արարող:

Գտնվելով հայրենիքից՝ իր ժողովրդի ամբողջական համահավաքությունից դուրս, հայ ստեղծագործող տարրը բնականորեն զրկված է ծագումնաբանորեն իրեն հասու լրիվ հզոոությունամբ և արդյունավետությամբ ստեղծագործելու հնարավորությունից, ինչպես և իր մասով չիռվին մասնակից լինելու հոգևոր և նյութական արժեքների ստեղծման ճանապարհով քաղաքակրթության զարգացման, մարդկային հանրության հարատևման գործին:

Հարցի բնագիտական՝ կենսաֆիզիկական, կենսաբանական տեսանկյունից ակնհայտ է նաև, որ հայությունը ուզի թե չուզի, կամա թե ակամա բնության կողմից պարտադրված է այդ հարցը լուծելու, իր վրա վերելով խնդրի ողջ ծանրությունը և պատասխանատվությունը: Եվ եթե լրանական մտածողության և հարկադրանքի դրամամբ հայությունը փորձի անգամ հրաժարվել Հայ Դատից, ապա միևնույն է բնությունն իր կառուցվածքային օրենքներով, սկզբունքներով և օրինաչափություններով հայությանը մշտապես մղելու է հայրենիք վերադառնալու խնդրի լուծմանը հետամտալ լինելուն: Ոչ բնական՝ արհեստական և ոչ մի լուծում չի կուզ և այն պարտադրվի հայությանը ողջ աշխարհի ժողովուրդների և պետությունների ընդհանրական համաձայնությունամբ, չեն կարող, ի վերու չեն հակադրվել բնության կողմից կանխորոշված՝ տարածաժամանակի և իր բաղմաձևությամբ ամբողջական մատերիայի հիմնարար օրենքներով և զարգացման օրինաչափություններով պայմանավորված խնդրի բնականոն լուծման ընթացքին:

Սակայն մի բան է յուրաքանչյուր հայ անհատին ուղղված բնության անընդմեջ հարկադրանքը և այլ բան՝ խնդրի լուծումը գործընթացի մեջ դնող ազգային կազմակերպչական համապատասխան կառույց ունենալու խնդիրը: Նման խնդրի լուծմանն անհրաժեշտ կազմակերպչական հիմնական կառույցը անկախ, ազգային, պահանջատեր պետությունն է, որից մինչև 1990 թ. ՀՀ անկախացումը զուրկ էր հայությունը և բնականորեն ստիպված էր սփյուռքի քաղաքական սուղ հնարավորությունների, այլ առաջադեմ պետությունների և միջազգային կազմակերպությունների միջոցով փորձել դրտնել Հայ Դատի լուծման այլ ճանապարհներ:

Այսօր իրավիճակն այլ է. կարելի է ասել՝ բավական բարենպաստ։ Նորանկախ Հայաստանը և հայ քաղաքականությունը ունեն 1988 թ. ՀՀ Գերագույն Խորհրդի օրենքը ցեղասպանության մասին, 1990 թ. ՀՀ Անկախության հռչակագիրը, որով Հայաստանը պետականորեն պարտավորվում է սատար կանգնել Հայ Դատի լուծմանը։ Այնպես որ, հայության և հայոց պատակաճություն կողմից այսօր արդեն առկա են խնդրի լուծման առաջին անհրաժեշտ բաղադրիչը և հնարավորությունները։ Դրանք ի վերջո պետք է ապահովեն Հայ Ազգի բնականոն, ներդաշնակ և լիարժեք զարգացման անհրաժեշտ նախապայմաններից մեկի՝ ազգային բնապատմական կենսատարածքում, ամբողջական հայրենիքում, ազգի ապրելու, կենսագործելու և սակավագործելու բնական իրավունքը։

ԹՈՒՐԿԻԱՅԻ ՏԵՍԱՆԿՅՈՒՆԻՅ, ՀԻՆՎԻԼՈՎ ԿԵՆՍՈՒՄԵԴԻԿԱՏՎԱԿԱՆ ՂԱԶՄՈՎ պայմանավորված, դրանով կարգավորվող բնության օրենքներին և դրանցից հետևող օրինաչափություններին, կարելի է վստահ կանխորոշել, որ Թուրքիայի կողմից տեղականորեն ծրագրավորված և իրագործված ցեղասպանության միջոցով հայության բնաջնջման և նրա կենսատարածքի զավթման դիվարին գործողությունը ի վերջո դառնալու է լիարժեք Թուրքիայի բնական ինքնառնշարժման հիմնական պատճառը։ Քանզի անկախ Հայ Դատի պահանջատիրությունից, միևնույն է, Թուրքիան, շարունակելով ի թաժ պահել Արևմտյան Հայաստանի տաղածքը, գտնվելով կենսագրավիտացիոն և իրական «հասցեներին» անհամապատասխանության վիճակում, ներքին էներգիայի մշտապես ոչ բնականոն բաշխվածության, ինչպես նաև և՛ փաղիտակցական կառույցով, տարածքից բնական օտարման պատճառներով, ինքն իրեն դատապարտել է իր՝ որպես տեղաբնակի կայացման և առաջիկա զարգացման բնական աղբյուրների, Հիմնականում այդ պատճառով նա այսօր կա և կմնա որպես քաղաքակրթության հետևանքները բախող երկիր, գրեթե բոլոր հարցերում չիներով անսխալված և մերժված՝ քաղաքակրթ պետությունների և ժողովուրդների կողմից։ Հավագուն դեպքում նա առժամանակ կծառայի որոշ քաղաքական ուժերի՝ որպես բուժ գործիք։ Այնպես որ Թուրքիայի հետադարձում ևս գտնվելը կենսագրավիտացիոն ոչ իր հասցեում, սեփական զարգացման ինքնաաղբյուրակվածության և համաշխարհային քաղաքակրթության անընդհատ զարգացման պայմաններում, պատճառահետևանքային առումով բնական և լուրջ հիմք կդառնա նրա ինքնաքայքայման, ինքնատրոհման և ինքնառնշարժման համար։

Այսպիսով, Հայ Դատի լուծման խնդրում Թուրքիան ինքը ևս պետք է վայացնի իր որոշումը՝ գնալ ընդդեմ բնության օրենքներին և ինքն իրեն դատապարտել ոչնչացման և կամ վերականգնել իրենի բնական վիճակը և հնարավորություն տալ մասնակից դառնալու համամարդկային բնապատմական զարգացմանը, փորձել դառնալու քաղաքակրթության որոշակի տարր։

ՀԱՄԱՇԽԱՐՀԱՅԻՆ ՀԱՆՐՈՒԹՅԱՆ՝ ՔԱՂԱՔԱԿՐԹՈՒԹՅԱՆ ՏԵՍԱՆԿՅՈՒՆԻՅ, Համամարդկային հոգևոր արժեքներին, միջպետական, միջազգային կենսագործունեության, համակեցության և համագործակցության նորմերի, մարդու՝ անհատի, ցեղերի, ժողովուրդների, փորձի և սխալի մեթոդով գտնված ճշմարտությունները մշտապես հստակեցվել, վերականգնվել, գիտականորեն վերլուծվել և խմբագրվել են քաղաքակրթության զարգացման տվյալ ժամանակահատվածին համապատասխան, հոգևոր, գիտական և գիտաքաղաքական սկզբունքներով ու մոտեցումներով։ Եվ պատահական չէ, որ այսօրվա հիմնարար, տեխնիկական, հասարակական գիտությունների տեխնոլոգիաների և մարդկային ապրելաձևի ներկայիս պայմաններին և հնարավորությունների, ինչպես և աշխարհն ամբողջականորեն ընդգրկող բազմաձև և բազմաբնույթ տեղեկատվական հզոր ցանցի և նրա հնարավորությունների առկայության պայմաններում հստակորեն ընդգծվում է մարդկային հանրության, համակեցության առաջնային խնդիրները ևս հիմնարար և կի-

րառական գիտական հաշվարկների ու համապատասխան տեսությունների միջոցով լուծելու անհրաժեշտությունը:

Նշելով կենսատեղեկատվական դաշտի էություն, կառուցվածքի, բնութագրի ֆիզիկական, կենսաֆիզիկական, կենսաբանական օրենքներից, հիմնարար սկզբունքներից և օրինաչափություններից, անհրաժեշտ կլինե՞ր ենթադրել, որ կենսատեղեկատվական դաշտը իր հիմնադրար տեղն ու դերն ունի ոչ միայն անհատների, ցեղերի, ժողովուրդների և ազգերի առանձնացված կառուցվածքային օրինաչափություններում, նրանց կենսագործունեության և զարգացման խնդիրներում, այլև առհասարակ մարդկային հանրության և նրա ներքին փոխհարաբերությունների ձևավորման, և զարգացման, կենսագործունեության, քաղաքակրթության բնապատմական զարգացման հիմնական մեխանիզմներից մեկն է:

Կենսագրավիտացիոն հասցեի առկայության, դրանով պայմանավորված մարդկային հանրության բաշխվածության ամրագրվածության և դրանով կարգավորվող հասարակական համակեցության սկզբունքների ու օրենքների տեսանկյունից Հայ Դատը, ինչպես նաև նմանատիպ այլ խնդիրներ, դադարում են միայն տվյալ ազգի՝ մեր դեպքում հայության և հայոց պետականության մենաշնորհ խնդիրը լինելուց: Աշխարհի ընդհանրական բնական-անհատական համընթաց կենսագործունեության, բնական հավասարակշռվածության զարգացման, քաղաքակրթության հարատևման կենսաանհրաժեշտության տեսակետից խիստ կարևորվում է ամեն ազգի, ինչպես և ազգային ամեն մի անհատի իր ազգային ծագումնաբանական և իրական գտնվելիության «հասցեների» համընկնելիության խնդիրը: Դրա լուծումը կապահովի կենսաէներգիայի լրանական բաշխվածությունը և չի կաշկանդի ինչպես անհատին, այնպես էլ ազգին՝ իր ֆիզիկական, հոգևոր և մտային ծագումնաբանական ներուժակությանը համապատասխան գործունեության և ինքնազարգացման ասպարեզում: Անհատի համար կապահովվեն ինքնադրսևորման, հասարակության մեջ իրեն համապատասխան տեղը, դերը և նշանակությունը գտնելու, ինչպես և անձնական գոյատևման՝ լոթաքցքոմ ինքնապատկանությունը հաղթահարելու և նպատակայնությունը վերականգնելու հնարավորությունները: Իսկ տվյալ ազգի համար կստեղծվի հնարավորություն՝ ազգային ծագումնաբանական ներուժակ ժառանգության կարելիությունների սահմաններում իր ստեղծած հոգևոր, մտավոր և նյութական արժեքների միջոցով համաշխարհային քաղաքակրթության բնապատմական զարգացման մեջ իր մասն ունենալու և այդ կերպ լուծելու իր ազգային հարատևման բնական խնդիրը:

Այդ կերպ երկրի վրա ազգերի երկու՝ ծագումնաբանական և իրական «հասցեների» համընկնելիությամբ կառուցված բնականոն բաշխվածության պայմաններում միայն հնարավոր կլինի թեկուխե՛լ աշխարհի խաղաղ դուրսկացության, անհակադիր համագործակցության դարաշրջան: Մրցակցության պայքարը կվերափոխվի մասնավորվի, ամենափոքր գործողության նվազումով կառավարվող գոյապայքարի ինքնակոործան, մշտալուս աղետի սպառնալիքով հղի դարաշրջանից անցում կկատարվի դեպի աշխարհի քաղաքակիրթ, նպատակամետ զարգացում, ուր ամեն մի ազգ, ամեն մի ժողովուրդ, իր հոգևոր, մտավոր և նյութական արժեքների ստեղծման ճանապարհով կձգտի առաջատար տեղ ունենալ քաղաքակրթության հարատև զարգացման գործընթացում:

ЕСТЕСТВЕННАЯ ЖИЗНЕННАЯ НЕОБХОДИМОСТЬ РЕШЕНИЯ АРМЯНАМИ АРМЯНСКОГО ВОПРОСА

С. Р. ШАХАЗИЗЯН

Резюме

В результате дьявольского плана истребления армян путем геноцида и захвата их жизненного пространства, запрограммированного Турцией на государственном уровне, было уничтожено 1,5 миллиона армян, опустошена почти вся Западная Армения, депортирована спасшаяся часть нации. Однако все поколения рассеявшихся по всему свету армян постоянно испытывают ностальгию по Родине, непреодолимое стремление вернуться.

Предполагается, что всем биологическим видам животного мира и человеческого сообщества параллельно их возникновению и формированию свойствен некий естественный механизм генетического закрепления, «адресования» определенного пространственного распределения и местонахождения.

Опираясь на сущность, структурные, а также биофизические, биологические, общественные проявления биоинформационного поля и на обусловленные и регулируемые ими явления и законы, можно заключить, что существование явления Родина есть вопрос не просто исторической памяти, традиций или природно-климатической приспособленности (все это—явления, постоянно меняющиеся в процессе эволюционного развития), а структурно-генетическая, глубинная, материальная, биофизическая необходимость для нации, индивида.